

甌  
北  
詩  
鈔





甌北詩鈔絕句一

陽湖 趙翼 雲崧

題黃丈季游梅花小照

雪作寒交月作鄰  
水邊疎影本前身  
始知畫手傳神好  
只寫梅花不寫人

野菊

多少秋芳入貴家  
獨餘籬落幾寒葩  
對君莫訝相憐甚  
同是無人賞鑿花

澄懷園消夏絕句

名園長夏景清和  
借與幽人領略多  
絕似溫公洛陽墅

爲堯夫結一行窩

小雨如酥過曉風幾枝豔發映簾櫳  
女郎愛插花盈髻  
試手先探月月紅

一榻花陰對綠洞茶烟香篆互縈回  
蕭齋四面皆窗戶  
何處風來何處開

一編閒讀首楞嚴後夜雞鳴靜諦拈  
香罷經聲歇禪榻  
諸天細雨正廉纖

題畫

碧梧漏疎陰綠蕉澣餘濕高齋寂無聲  
獨鶴如人立

沿溪一茅齋老樹出屋頂采藥人未歸  
野鷺踏孤艇

薄暮蕭齋下高人相對閱文陽紅不盡楓葉滿空山  
和沈倬其同年看花絕句

薊門霜冷見春遲吹透東風了不知忽漫一枝紅杏出  
累人牆外立多時

江上逢歸鴈

幾點春雲鴈北飛首塗故與客相依渡江一樣從南去  
我是出門他是歸

曉起

茅店荒雞叫可憎起來半醒半懵騰分明一段勞人畫  
馬嚙殘芻鼠瞰燈

東昌道中卽景

野田有砂有磔郵屋半草半泥雞如鳥能上樹馬可當  
牛駕犁

單髮女騎驢背其夫欣爲執鞭拾通兒逐馬尾其父快  
於積錢

香山夜歸卽事

露柳清陰十里遙阿誰乘月夜吹簫馬頭相並無迴避  
同踏香塵過板橋

鬢絲秋老杜樊川那復風情似少年慚愧驚鴻偏照影

誤入春夢小遊仙



夜永棲鳥寂不飛  
露華涼欲透羅衣  
玉驄亦解人良會  
故踏花陰緩緩歸

纔下雕鞍又二更  
臨岐含語木分明  
從今破盡枯禪戒  
不在鄰牆釵釧聲

題王石谷畫

一雙雁依淺渚  
幾葉葦折寒流  
莫向夜深清唳  
有人江

上悲秋

郊外散步

幽尋步林樾  
淺草道旁斜  
不爲無人看  
臨風也作花  
古樹圓如繖  
綠陰了不暑  
無人領此清  
黃鸝坐交語

偶題

風雨寥蕭晝掩廬一編吟到夜窗虛  
厨娘莫聒瓶無亞  
我已修皮乞米書

戲題姮娥奔月圖

碧天清怨有誰知奔月非關竊藥馳  
如此容華嫁窮羽  
教他那得不分離

穀率能摧九日精何難射落月輪明  
尙留桂館藏嬌地  
此老當年也有情

古北口

設險人增一堵牆天公寒煥豈分疆  
如何一樣垂楊樹



關內青青關外黃

題蔣心餘歸舟安穩圖

軟紅塵上十餘年一棹滄江意渺然此老平生終歷落  
不登卿相即求仙

桃花貼浪柳垂隄一葉歸舟老幼齊難得全家總高致

介之推母伯鸞妻

圖中夫人媿夫  
人及諸郎咸集

年家姊姒往來親內子披圖省識真燈下側聞頻歎息

他家真作

去聲

鹿門人

雞犬圖書一權輕寒官也算宦囊成扁舟莫笑歸裝薄  
還與空江載月明

丁字簾鈎拂柳絲六朝作麈好填詞挑燈自製秦淮曲  
唱殺長干老伎師

采石磯頭片月高一千年後少詩豪知君醉酒江天夕  
尙有生平宮錦袍

種樹

帶得豐臺土一把栽來高已拂簷牙庭前突見濃陰合  
欲賽仙人頃刻花

胸中卽壑構何年種樹爲園翠蔽天看是豪奢却寒倫  
省他六月搭棚錢

催嘆僮奴抱甕過防他生意漸婆娑  
偻行樹下親澆灌

自笑身如郭橐駝

翠痕深映讀書堂  
不見花紅但葉蒼  
說與愛花人聽取  
花時那比葉時長

納涼

暑坐到參橫  
微涼猶未生  
誰知秋有信  
已在一蟲鳴

題吟薌所譜蔡文姬歸漢傳奇

識曲工詩韻  
若蘭忍隨塞馬到  
呼韓人間何限傷心事  
千載同悲李易安

也似蘇卿入塞秋  
黃沙漠漠帶旃裘  
諸君莫論紅顏汚  
他是男兒此女流

琵琶馬上忍重彈家國俱催兩淚潛經過明妃青塚路  
轉憐生入玉門關

逸典能抄四百篇不煩十吏校丹鉛誰知書籍歸王粲  
翻賴流離一女傳

暮夜醉歸入寢門似聞亡兒病中氣息知其魂尙  
爲我候門也

跣步相隨履跡存牽衣每到月黃昏豈知死後孤魂在  
猶爲而翁夜候門

簾鈎風動月西斜彷彿幽魂尙在家呼到夜深仍不應

一燈如豆落寒花



中秋夕感作

又看中秋片月圓未乾老淚再潸然  
一家依舊團圓夜  
憐汝孤魂若箇邊

題汶上旅壁

十一年前過汶河曾徵紅粉唱迴波  
不堪老去重不宿  
還聽韋娘一曲歌

舟至瓜洲連日風阻不得渡詩以遣悶

吹浪江豚捲白波歸心便擬亂流過  
長年苦勸公無渡  
遇險休貪躓路多

下雷道中

國言金  
密箚長畱太古青陰森蔽日晝如暝樹名龍骨藤雞血  
好補炎方草木經

離江舟行

舟行連日上灘遲稍喜揚帆疾若馳纔得順風河又轉  
世間那得稱心時

絕似盆池聚碧孱嵌空石笋滿江灣化工也愛翻新樣  
反肥真山學假山

碧雞關

荳蘭城外又青山一道風烟八百蠻勒馬雲端重回首

夕陽人在碧雞關



瀾滄江

絕壁積鐵黑路作之字折下有百丈洪怒噴雪花熱

將軍果毅公以額魯特兵分給余帳供役

帳下新添突騎多曉隨鳴鏑夜橫戈軍中莫笑書生弱  
親領羌渾曳落河

題春山仙奕圖

花落空山了不知爲他勝敗未分時神仙已遣名心斷  
閒氣猶爭一着棋

局中算劫正勞神早有閒觀局外身袖手不來輕下子  
爛柯人乃是仙人

舟行左江道中

為貪順水去乘舟其奈連朝遇石尤  
畫鷁翻成退飛鳥  
可憐辜負此江流

水風雙順可兼程却教來船何日行  
他趁順風吾順水  
天心原自最公平

蠶船曲

畫舫凌波映曉梳盈盈十五似芙蓉  
儂家生長胭脂水  
不要牽舟岸上居  
蠶人世居水上不  
得結廬於岸也

漢宮遺種有名花只在河南水一涯  
今夜定情何處宿

輕橈蕩入素馨斜

照影晴波似鏡中  
髡邊茉莉引香風  
曉粧別有施朱法  
卯酒微醺兩頰紅

席散偶作

小部梨園夜譚圖  
千枝畫燭照瓊筵  
笙歌散後虛堂靜  
危坐依然一老儒

將江道中

遷地敢三宿  
戀沂流憑百丈牽  
南來無落葉  
樹西去皆上水船

虎或當畫山  
山牛能截江  
渡水遠沙鷺  
似自人重霧  
樹如黑鬼

密箚烟迷窈冥陰崖風刮淒凜深篁忽有人出驚是獮  
猴下飲

入雲磴百盤計人行如旋磨蟻俯江樹千尺餘猿掛似  
貫柳魚

山高見日常遲日沒又偏覺早可憐深谷人家長是夜  
多晝少

白貴陽赴威寧作

天許遊蹤偏入荒一年輒易一殊方滇雲粵嶠都行遍

又記郵籤到夜郎

出守鎮安未一年赴滇從軍在滇年餘回鎮安兩九月調廣州在廣一年今又入黔每一輒易一地也

三兩茅棚嵌碧螺坡邊蕎麥水邊禾萬山深處都耕遍



始覺承平日已多

洪爐煉汞出鉛華，斜上論錢帶雨杷。怪底山童無樹木

五金殺氣在泥沙

蓮華做諸山出  
鉛礦無樹木

由來高處最寒多，官舍層椒似鳥窠

貴西署  
在山頂

冰雪滿空居

絕頂教人呼作鐵頭陀

于役古州途次雜咏

曉赴龍塲驛路遙，試燈風裏雪微飄。蠻荒瘞旅當時事

二百年來瘴已消

石磴摩雲往復還，青山隨我馬蹄閒。一鞭經過山應笑

這個官人不愛山

先輩查初白詩云亂山中有豺狼穴曲突何人議

水西蓋其時雖已擒安坤改郡縣而羅鬼猶懷

反側也余所轄六定黔西平遠威寧卽水西地

百年以來皆成編戶矣經臨途次雜紀以詩

濟火曾標蜀漢功

相傳羅鬼之始有濟火者從諸葛武侯征壘立功世有其地

十年兵號水西

雄斷頭掉尾諸羅鬼今日都編保甲中

匹馬朝天跡已陳開通九驛亦勞臣遂延三百年宣慰

何物奢香一婦人

華風濡染變狃獠光氣將開色色新四十八支頭目衆

近來漸有讀書人



考卓茸茸路一條綠痕斜似女裙腰午風扇過餘香在  
疑有蠻娘去未遙

一線斜坡上碧穹真看去地幾千弓誰知到頂纔爲地  
雞犬桑麻在半空

說與人間定笑休黔西三伏冷如秋使若不是談天衍  
親著深山六月裘

夕陽晴映數峯間樹石都成紫綠斑疲馬漸遲鞭不進  
錯疑他也愛看山

奉賀福總戎姬人到署之喜

將軍威令肅如秋時向霜天試臂韝忽漫春生鈴閣滿

衣香人影太風流

雲母餐來意自雄酒杯浮白燭搖紅莫嫌老將風情少

尙有如臯射雉弓

再遊葡萄泉道士玉宣乞詩書以付之

雜卉駢羅羽客家一枝橫間一枝斜畫師惜少滕昌祐

來寫欄前細碎花

緇衣修道衲參禪等是三生結淨緣到此又增身世感

海山堯率兩茫然右為僧寺左為道院故云

將發貴陽開府圖公誓約軒笠民諸公張樂祖餞

削席留別

雕人將上洞庭舟，餞別深叨喚主謳。爲我紅塵留不住，

開場先唱岳陽樓。演呂仙洞庭故事

罷官敢復戀華珂，何事臨分淚轉沱。老子婆婆爲君等，

生平此地故人多。

當筵忽漫意悲涼，依舊紅燈綠酒旁。一曲琵琶哀調急，

虎賁重感蔡中郎。傷蔡嶽霞之歿也。是日又演琵琶記。

解唱陽關勸別筵，吳趨樂府最堪憐。一班子弟俱頭白，

流落天涯賣戲錢。貴陽城中爲腔只此一部皆年老矣。

古來咏明妃，楊妃者多失其平。戲作二絕。

遠嫁呼韓豈素期，請行似怨不逢時。出宮始覺君恩重，

臨去猶爲斬畫師

鼙鼓漁陽爲翠娥美人若在肯休戈馬鬼一死追兵緩  
妾爲君王拒賊多

順風歌

連朝艤櫂洞庭邊一日開帆路半千此理眼前誰悟得  
順風船卽阻風船

破浪雄心久淡忘無端又起意飛揚蔽江白道風帆下  
想見龍驤指建康

廬山在望不及一遊詩以解嘲

終心連夕促歸舟咫尺匡廬不一遊千古香山暗相笑



此人枉自過江州

記得前身本遠公何須履跡徧山中  
不來五老峯邊坐恐被人呼六老翁

信有坡仙是解人教從象外見全神  
先生不入廬山去正爲看他面目真

守風遣悶

琵琶亭畔雨如絲津吏攔江一纜維  
檣轉相烏關未啓好風偏在空閒時

避風長日泊江邨敢比鷓鴣寄爪痕  
已有旁人知退鷁不將鐘鼓祭東門

國才詩金  
三  
濤聲如沸撼長空月黑天低夜守風官燭滿堂消散盡  
來分漁火一燈紅

閒步江岸有邨翁築屋數間蒔花籠鳥頗有閒適  
之趣戲題二絕

溪流曲曲柳絲斜中有幽棲處士家好个丹青行看子  
黃筓禽鳥趙昌花

門前無數阻風舟相對荒灘歎石尤不抵此翁閒一笑  
看他江水日東流

金陵

不到金陵廿六年白門烟柳故依然多情了字簾前水



還向秦誰引客船

自丁卯以秋試至  
屬指廿六年矣

剪燭風簷夜漏長  
少年曾此賭身強  
不堪老作歸山客  
重過生平舊戰場

舟至黃天蕩  
北風大作迴泊燕子磯

打鼓朝辭燕子磯  
蹴江雪浪撲人衣  
黃天蕩裏迴舟處  
笑比蘄王戰敗歸

本是人間一退翁  
故宜路鬼戲途窮  
若非反走回頭路  
那得輕帆挂順風

重向招提一挂籐  
回廊曲磴轉層層  
老僧不管人風浪  
自向禪堂點佛燈

虎邱絕句

出塘春早水微波  
日日香風送綺羅  
不是遊人看山到  
此出最是閱人多

捨宅王均築梵宮  
千年變作綺羅叢  
笑他佛也風流甚  
身在烟花不斷中

花到寒梅第一流  
絕無顏色白清幽  
而今也帶胭脂氣  
綠萼紅苞滿虎邱

暮鳥啼處客歸遲  
畫舫前頭月似眉  
殘醉倚舷簾半捲  
家家水閣上燈時

庭前雜詠

衰醜形容只自羞  
石來宋玉豈風流  
鄰家新竹過牆出

似為窺人露一頭  
紺花

草花低亞樹花高  
各自相安氣不驕  
偏是陵苕軟無力

附他喬木躡凌霄  
凌霄花

寒士栽花各責成  
菊堪釀酒桂調錫  
芭蕉如掌閒無用

派管庭前報雨聲  
芭蕉

### 消夏絕句

兩板衡門暇日多  
虛牕閒製小詩哦  
唐音宋調俱無用

自有田家擊壤歌

蔬筍常慚踏菜羊  
村居奉母少嘉嘗  
擊鮮忽漫設家宴

國朝詩金  
一  
釣得鯉魚尺半長

消磨長日仗丹鉛  
常苦巾箱少逸篇  
解事童奴傳好語  
門前新到賣書船

浴罷東臯看月明  
夜涼風露寂無聲  
豆棚花下流螢滿  
白笑歸田尚火城

過故友村居

一權重來訪故交  
依稀何處認門敲  
村貧賣樹茅簷露  
不見牆西老鶴巢

題煙南田畫

秋水清蓮落殘夕  
陽沙鳥飛去漁歌  
欸乃一聲人在意



花深處

欲往鄧尉看梅向郡城結伴莫有應  
言適有賣花船到遂以邀資買梅十餘本歸而自賞焉

風味空山縱寂寥何妨澹泊一相遭  
并無人訪南枝去驕得梅花分外高

省却遊資買樹栽栽成又得每年開  
此情應被梅花笑酸在東君不在梅

分種南枝與北枝向陽開早背陰遲  
居然妙奪化工手暗展看花半月期

曉謁高堂趲露華一枝爲浸膽瓶斜  
寒家奉母無佳物

便當南陔潔白花

偶成

午牕一枕夢同時  
藥酒微醺一雨危  
閒向綠陰凝立處  
人言此老要吟詩

烟霧深林叫子規  
輕陰幾點雨如絲  
笑他牧子騎牛背  
身在畫中不自知

枕上

枕上得詩愁健忘  
披衣起寫殘燈光  
山妻竊笑老何苦  
兒童讀書無此忙

漫興

泥絮風情久不狂如何竿木又逢場阿難自是無禪  
不爲摩登呪力强

誰把姻緣簿錯移落花偏向溷邊吹千金一笑猶難買  
何福人間賣餅師

莫訝相看意倍親徐娘也是過時人白頭詞客青裙婦  
同感琵琶老大身

燈光花影兩參差有酒如淮酌滿卮太息相逢吾已老  
自家正擬放楊枝

納涼

暝色赴庭陰雲輕月微斂東風觸牆迴折作西風颭

小兒強解事奇語驚老叟不知雲飛速但道月退走

戲題閒雲女郎小照

是誰月旦品風華喚作人間女探花試向十眉圖比較

黃崇嘏恐不如他

黃崇嘏五代時西蜀女狀元

偏向嚴光眼獨青羊裘也染麝蘭馨他家足慣加人腹

夜半須防犯女星

謂君所善嚴生

西湖雜詩

六橋曾泛畫船過十四年來一刹那今歲重遊春較晚

錢塘門外落花多

重過蓮池跡已陳女尼那復記前因當年綠鬢看鏡粧



監拂今爲首座人

余昔攜家遊湖寓蓮池女菴

葛嶺南園一代狂欲尋遺跡已滄桑  
賈堂蟋蟀韓莊六留與遊人話夕陽

老去詩人兩鬢秋祇憑才筆占風流  
若非紅粉名心在誰肯樽前伴白頭

天水空明笛一枝斷橋人靜月斜時  
湖樓多少憑欄女

明日家家說項斯

吾鄉三項生善歌來寓湖上每夕在斷橋亭奏伎傾三時

花開緩緩到餘杭正遇清齋學太常  
今夜河魁須禁忌

可憐天壤此王郎

夢樓茹菜奉佛其夫人來遊湖與談禪而別

手翻樂府教梨園可是填詞老  
稼軒唱到曲中腸斷句

眼波偷看客銷魂夢樓在杭製  
新曲教梨園

但一聞聲記不訛琵琶盲女賽橫波老夫亦以耳為目

認作西天阿律多盲女王三始知詩  
交當眾客者  
至一按談輒記其  
人酬應不爽

曾記從軍入百蠻每從馬上看烟綠而今髀裏全生肉

重為湖山一據鞍是日借馬遊虎  
跑理安諧勝

寓齋老桂四株余到日正放花喜作

四株丹粟倚簷栽百斛濃香滿屋來最是今年時分正

中秋節候恰花開

不信名香解作媒惹他鄰女上牆隈老夫也自忘衰醜

只道窺牆為玉來鄰女多梯階折  
花故戲云爾

幽芬似與伴衰遲來是開時去謝時天遣清緣托叢桂  
小山不住更何之

闕史戲作

閒翻青史坐涼宵頃刻興衰閱幾朝寸燭未殘千載過  
先生笑比爛柯樵

舟行絕句

一身充兩役誰道吳娘瘦襁兒背上卧搖櫓兼搖兒  
吳航與楚艦本不共鄉程同泊偶交語便有鄉鄰情

閒居無事取子才心餘述菴晴沙白堊玉函璞函  
諸君詩手自評閱輒成四首

千里懷人白露時  
一編冰雪慰相思  
蕭齋日與諸君見  
可惜諸君不得知

新知舊識總吟朋  
老眼臨文肯世情  
心賞不關交厚薄  
此中我自最分明

姊妹新粧共倚欄  
孰宜施粉孰宜丹  
背人卻向菱花照  
還把看人眼自看

流年輕擲等閒過  
老去空悲兩鬢皤  
貧始燒丹病來艾  
此生何事不蹉跎

數月內頻送南雷述菴淑齋諸人赴京補官戲作

柳條折盡送人行  
都謁承明上玉京  
老寡頻看鄰女笑



白頭重憶舊風情

袍笏登場也等閒惹他動色到柴闌妻兒翻不如猿鶴  
啼怨山人不出山

同學都看入宦途誰從林下譜康衢野夫歌咏昇平處  
或亦清時不可無

觀劇卽事

逢場竿木逐兒嬉顧影郎當祇自知博得黃金買歌舞  
可憐已過少年時

明識悲歡是戲場不堪唱到可憐傷假啼翻爲流真淚  
人笑癡翁太熟腸

貞女芮泰姑詩富塗人未嫁而夫楊之嘉死矢節為其養親立孤

白頭猶是女兒身辛苦持門幾十春絕似子中通籍後  
不曾食祿作忠臣

那得閒依繡佛燈課嚴菽乳日三升市兒買得都稱歎

片片懷清寡女冰以磨豆腐為生

送春

踏盡苔痕屐齒泥銷魂今日畫欄西落花何與黃鶯事  
也為春歸不住啼

舟行

一枝柔艣波空牽曳詩魂入夢中笑比搖籃引兒睡

老夫奇訣得還童

江村人臥小兒於竹籃  
搖之使眠謂之搖籃

何物中宵闕閣鳴似憐孤寂送繁聲罷官野宿無柳鼓

兩岸蝦蟆為打更

吳門雜詩

握手依然舊雨親十年京國對牀人雲泥不但公忘分

我亦忘呼老大臣

畢秋帆開府奏  
歸里相見道放

形容老盡舊交游獨有先生髣不秋白髮誰言最公道

逡巡也避貴人頭

開府別十五年  
鬢無一莖白考

幽棲風味愛清歡頗笑胭脂畫牡丹到得東山絲竹地

始知平日秀才寒

金櫻郁李映清波一正紅綾一曲歌誰念青裙張好好

冷如退院老頭陀

酒船中有金瓶二女郎侍客船尾張小妹者舊亦以色藝稱今老矣

占得風流向客誇賈胡留滯漫思家前身原是莊周蝶

莫怪三生慣宿花

莊似撰連日有烟花之會

尋常一樣野荏嬌纔到山塘價便高我昨三家郵畔過

可憐艷煞一枝桃

納涼

矮机無籐坐月陰枯槲聲寂夜沉沉西瓜大字芝蔴鑑

閒聽郵翁說古今

坐人空蒙露濕衣風來暗帶稻香肥流螢不自星微照



偏向星多處亂飛


夜深歸去就橫陳一語應添笑柄新我比齊人有妻妾  
專房偏寵竹夫人

中庭坐月

移得紗幮小院旁中安一榻卧乘涼惹他四面而蚊忙煞  
眼看冰肌不得嘗

甕夫窺處得雄談仰看穹霄正蔚藍十丈空庭圍不住  
銀河流出粉牆南

男  
廷英校字



甌北詩鈔絕句二

陽湖 趙翼 雲松

所見

後船無數向前過，忽喚開帆也打鑼。  
連夜縱添雙槳，趕可憐他已渡黃河。

漁翁

網得修鱗佐晚炊，小舟如葉夜歸遲。  
一天明月秋江上，可惜漁翁不作詩。

寓齋聞歌

比鄰歌管出樓臺，此老蕭齋獨引杯。  
明月不嫌茅屋陋，

夜深一樣上窗來

小園

小園不設繚垣遮麂眼籬編六枳斜一樹桂花風過處  
聽他香到別人家

朔風

江天連日朔風高催贖先生做緼袍一笑化機誰識得  
樹方落葉烏添毛

蕭齋

蕭齋雨過淨無塵睡起憑欄曉色新分得綠陰牆外柳  
一家樹作兩家春



驢嘯

瘦影踏黃塵日向長途受雇緡  
憐汝往來風雪裏不曾馱着一詩人

送客歸戲書

卸卻漁蓑一整冠送人謁選上長安  
惹他僮僕私相笑既愛山林又愛官

授衣

九月霜清木葉飛  
劍修敝褐禦寒威  
笑他兒女隨年長  
遞換兄衣作弟衣

莊樂閒崔曼亭兩同年皆工詩莊夫人董蘭谷崔

夫人錢浣青亦皆工詩兩家又同居一宅閨閣

韻事近代罕有欽羨之餘奉贈

何處香闌鬪壁箋迎春橋北地幽偏依稀采藥天台路

劉阮雙棲一洞天

旗鼓詞場各策勳郡城近日詩社最盛正愁應敵力難分如何惡少

雕青外又遇一班娘子軍

夜坐

人語夜深寂霜威侵敝袍梅花映明月共我作三高

讀史

一刹那間便一生何須恩怨苦分明老來自笑猶聞氣

動爲前人抱不平

過城東小桃園

重過桃園跡已陳  
花塍依舊錯如鱗  
傷心紅雨亭邊路  
只見桃花不見人

真州歸途作

盡日無人古路斜  
空濛細雨落如沙  
一旗飄出青林外  
知有前村賣酒家

家約

老去惟耽懶味長  
自頒家約戒厨娘  
何能爲汝整臨事  
費我吟詩錦繡腸

齒痛

嚼鐵生平礪齒齧無端對食輒含顰  
遇剛必吐柔方茹  
累我翻成勢利人

山塘

老八歡場感易增烟花猶記昔游會  
酒樓舊日紅粧女  
已似禪家退院僧

半塘橋北好陰涼殘醉扶來蕩畫航  
臨水數家門半掩  
更無人處有垂楊

一夕新歡曉已陳黃金散後更誰親  
定情羅幙還留看

多少人間抱桂人



普惠祠基築短牆  
五人墓木獨蒼蒼  
山塘滿路皆脂粉  
可少秋風挾骨香

論詩

滿眼生機轉化鈞  
天工人巧日爭新  
預支五百年新意  
到了千年又覺陳

李杜詩篇萬口傳  
至今已覺不新鮮  
江山代有才人出  
各領風騷數百年

隻眼須憑自主張  
紛紛藝苑漫雌黃  
矮人看戲何曾見  
都是隨人說短長

少時學語苦難圓  
只道工夫半未全  
到老始知非力取

國才言金  
三分人事七分天

詩解窮人我未空想因詩尙不曾丁熊魚自笑貪心甚  
既要工詩又怕窮

紅梅

品高初不逐繁華何紅新粧鬪絳霞  
莫是也貪流俗賞  
漸思改節學桃花

清明後一日松坪前輩招同西巖涵齋棕亭湖舫

雅集

多煩折簡到潛夫出郭尋春興不孤  
千樹桃花萬楊柳

揚州城外小西瀆

一樣風光二月春  
林亭點染倍鮮新  
畫家小李轻軍派  
金碧山川粉黛人

香雪飄殘萼綠華

平山堂有梅千株號小香雪

旁人笑我願空賒  
風流詞

客非高士不看梅  
花看杏花

紅橋修禊客題詩

二十年前盧雅雨為運使時事

傳是揚州極盛時  
勝會不

常今視昔我曹應  
又有人思

花魂欲睡隱蒼烟  
重結清游異日緣  
風露峭涼人半醉  
滿湖燈火夜歸船

湖上二首

山光澹沲水縈紆  
幾日蕪痕綠滿途  
隄上香車隄下舫

清明一幅上河圖

運日狂飈捲地來  
孟婆作意把花摧  
可憐桃李貪人看  
不爲風多遂不開

食香椿有感

新故相乘共喜新  
自因生意在青春  
可憐一樣庭前樹  
嫩是香椿老臭椿

鮓魚初出松坪前輩卽購以見貽賦謝二首

銀鱗尺半壓荒厨  
纔是江鮮入市初  
一尾千錢作豪舉  
先生今日宴頭魚

菜根久礪齒牙牢  
珍珠無端誘老饕  
不肯累人窮閔貢



爲君一旦破清高

松坪於齋頭遍插芍藥招同涵齋棕亭再可雅集

卽事

相期不負景清和又許看花發醉歌前口鱗魚今芍藥  
老來食色累公多

尋花我昨步當車君乃移花插滿家始識名流太驕貴  
要花尋我不尋花

夜醒得句

露氣涵虛庭羅幃早涼到三更月太明滿園鵲盡噪

觀舞燈

國朝詩金  
滿野流移似凍蠅華堂猶列炬千層臨觴敢謂非豪舉  
如此荒年看舞燈

米貴

米貴如珠豈易量午炊往往到斜陽老夫近得休糧法  
咀嚼新詩誑餓腸

兒戲

兒女青紅又一時拔河拋壘儘游嬉老夫不忍輕訶叱  
教誦淵明責子詩

江邊鷗鷺

覓食終朝傍水湄晚來戢羽靜無爲始知鷗鷺閒眠處

也在謀生既飽時

飲啄呼羣不亂行  
空波容與太清狂  
扁舟偶過急飛起  
我已忘機他未忘

一蚊

六尺匡牀障皂羅  
偶留微罅失譏訶  
一蚊便攪人終夕  
宵小原來不在多

劉霞裳秀才美姿容工詩嘗偕子才爲名山之遊  
今又同舟來謁喜而有贈并調子才

緒柳風流見後身  
雅吟况復擅清新  
世間真有無雙品  
才子原來是美人

白頭人共泛清波。忽覺沿隄屬目多。此老不知看衛玠。  
自誇看殺一東坡。

最羨師生共一航。曉窗聯句夜傳觴。禪門亦有旁叅法。  
我欲勾他叛呂防。

買燈十二挂皆舊家物也書示兒輩

十二明燈爛似霞。買來光炫膽瓶花。豪家下等莊嚴物。  
移到貧家便太華。

想見華堂照酒樽。無端來伴我黃昏。須知是物關興替。  
最後登門早出門。

家居買燈最爲不急之務  
及稍貧則此物先賣矣

秋燕



落木風高葉漸稀  
人家刀尺促寒衣  
生憎燕子炎涼甚  
春便飛來秋便歸

卜居

卜居未久白雲溪坊曲  
平時過從稀  
怪底鄰家肯賒酒  
先生將有束脩歸

閩遊途中雜詩

隔歲無端動遠思  
此行亦似有前期  
可應天欠詩人債  
遊武夷山喫荔枝

遙憶山茶曲檻前  
此時繁蕊放紅嫣  
正開花候身偏出  
天爲先生省酒錢

國朝詩金  
百尺荒祠俯綠洞。客星遺跡尙崔嵬。出山恐被嚴陵笑。  
連夜催船過釣臺。

自泉州至漳州道中作

閩遊未訪武夷君。先踏泉南瘴海雲。添得生平蛇一足。  
白頭出作老參軍。

曾讀冬郎艷體詩。飄零遺跡最堪思。夕陽荒草南安路。

何處空山訪墓碑。

韓偓流寓南安有墓

不信澆田仗井泉。汲竿懸斗似秋千。一田一井禾都灌。

此是閩南古井田。

高髻雙盤結束新。擬將百琲買橫陳。只愁枕上無重譯。

夜半誰來作舌人

候館殘燈送馬蹄  
一弦海月出猶低  
十年高臥山中客  
重聽荒郵半夜雞

廿里郵籤一歇鞍  
綠瓜丹荔已盈盤  
莫嫌喝道遊山俗  
畢竟遊山也仗官

咏古

繡遍瑤臺綠字函  
五銖衣換茜羅衫  
杜蘭香本仙家女  
一點春心便謫凡

滌器空羈作賦才  
凌雲一薦入蓬萊  
遭逢莫怪臨邛幸  
犬子原須狗監推

國才言金  
英聲軼里亘千春只解酬恩不擇人何物韓嚴甘爲死  
可憐輕擲不貲身

閒翻青史幾悲涼功罪千秋少尺量讀到曲端呼鐵象  
恨他何不死沙場

閒咏史事六首

運石飛磚造塔忙馮熙計慮亦深長塔成但見高千尺  
誰見人牛死道旁

炙手權門百賄填古人眼孔究堪憐區區黃雀青魚鮓  
屋棟雖充值幾錢

北府曾傳孝傑誇官登台輔要家華庫無百萬黃金鉞



那足稱爲宰相家

身在璇霄秉獨裁何難金塢積成堆江陵至竟稱賢相  
只愛持權不愛財

拘項橋瞻最上層力求宦達果飛騰官高無奈身如舊  
日食依然只半升

老禪淨眼看花紅已付飄香一陣風畢竟瀉師原失計  
骨人那住肉山中

裙帶魚臭如醃鯊莪洲百門乃酷嗜詩以調之

臭味輻輳不可親嗜痂偏作席間珍爲魚也要佳名字  
裙帶纔呼便動人

桃花

清明雨過淨無塵  
欵段遊山始見春  
多謝桃花開滿洞  
劉郎已是白頭人

閩言

滿耳啾啾不辨何  
近來漸解說僂羅  
始知公冶非神技  
只爲聽他鳥語多

北歸

屢改歸期始定期  
郵亭露布正班師  
千軍萬馬紛馳處  
一個閒人訪武夷

仙蛻巖

箇人游戲大羅天何事空餘一蛻蟬若使成仙只如此  
老夫也不慕喬佺

聞說登真不在形可憐世眼自難醒不知尸解遊何處  
猶向枯骸跪乞靈

煉丹臺

藥鑪已廢冷無烟傳是丹成此上天煉汞燒鉛吾不耐  
英雄撒手卽神仙

至福州有一僕來見自道姓名乃余昔在京師未  
第時童奴張忠也蒼顏白髮不可識撫今追  
昔感嘆久之

三十年前青翰舟相逢欲認屢凝眸看他綠鬢今斑白  
不唱何哉也淚流

穎士奴曾解愛才相從正值困蒿萊傷心夜伴孤燈讀  
冷盡薰爐一寸灰

題淑齋官署

粉署含香地望華天教作吏亦清嘉全家碧水丹山裏  
好个神仙太守衙

秦凱師還滿驛亭獨因僻左少來經四禪地可廻兵劫  
不枉山城號福寧

江行



倚舷坐愛晚風披正是科頭覓句時兩岸空青一江綠  
不妨潮阻去帆遲

西湖雜詩

又向西湖泛綠漪湖光如舊客衰遲可應皺面波斯匿  
重過恒河照影時

白蘇都向北畱題二老才名本自齊不作爭墩互傾軋  
兩人各古一條隄

一坏總爲斷腸畱芳草年年碧似油蘇小墳連岳王墓  
英雄兒女各千秋

名士常憑勝地傳如何勝地轉攀緣歐公宦跡何曾到

勺水偏標六一泉

冤獄風波已被誅空餘鑄鐵跪泥塗不知地下權奸骨  
果識人間唾罵無

湖山原要錦成池一味孤清也可哀想見平章燈火出  
道旁寒殺老逋梅

重遇盲女王三姑賦贈

十年前聽撥琵琶曾惜明眸翳月華今夕紅燈再相對  
老夫亦已霧看花

無目從何識字成偏能演曲寫風情可應手摸知書慣  
此瞽真當字伯明

徐娘雖老尙情長  
慚愧蕭郎髻已霜  
對面欺他看不見  
白頭聊作少年狂

人問用短轉能奇  
水母曾傳借目窺  
爲汝作蝦吾亦肯  
便隨流蕩不相離

卽事

偶得詩一句健忘忽  
失却翻去問傍人  
增他一笑噱

吳江道中卽景

荒村遠城市不知  
羅綺鮮村女簪紅  
花顧影亦自妍

夜坐

拋却橫腰帶萬釘  
歸來仍伴一燈青  
夜深河漢星千萬

何處尋他處土星

相逢

相逢猶作少年行  
西抹東塗已不成  
老去佳人思昔面  
怕聽人喚阿婆聲

映坐標姿玉不如  
烏衣裙屐氣軒渠  
鄙人老不知時務  
只道郎君總讀書

野步

峭寒催換木棉裘  
倚杖郊原作近游  
最是秋風管閒事  
紅他楓葉白人頭

桃花



正是桃花滿洞開春遊偶誤入天台仙家也自貪年少  
笑我何爲老始來

賣文

賣文錢稍入壑囊欲破休糧秘密方揚子江中水雖淺  
百他一勺亦何妨

郊外見殘菊

黃葉江村木盡凋尙餘冷艷耐商飈有情都作春花去  
誰與秋容綴寂寥

子才到揚州預索輓詩戲和其韻意有未盡又增

二首

薤露如何可預支  
渡江來似別交知  
得詩恐爾真歸去  
不覺低徊下筆遲

年壽何人不祝延  
怪君撒手獨超然  
可應舊籍樵陽在  
謫限完時又作仙

君果飄然去  
返真讓儂無  
佛易稱尊  
只愁老境誰同調  
獨立蒼茫也斷魂

生平花月最相關  
此去應將結習刪  
若遇麻姑休背癢  
恐教又罰到人間

修短終須聽太空  
莫將殘錦散諸公  
還防老學菴燈火

絆住山陰陸放翁

廬山雜詩

二十年前過九江未曾廬阜躡飛淙那知未了清緣在  
垂老來償屐一雙

小橋流水路橫斜野草茸茸滿路花盡日山行無斥堠  
有田疇處有人家

榆柳陰森綠滿途秧歌聲裏鷓鴣呼牛宮豕柵俱污濁  
一入山家總畫圖

一重一掩隔紅塵深入方知景色新山外何由見真面  
東坡瀾語究欺人

匡廬擅勝瀑流多百丈飛泉注急坡却怪古人眼孔小

一衣帶水詫銀河

崖壁鐫詩費斧椎欲憑直石姓名垂誰知雨打風摧久  
也作模糊沒字碑

流出山來便不還何妨小住保清潺可憐三峽橋邊水  
日夜喧囂要出山

留帶山門結淨緣

棲賢寺有石刻尖  
大中丞留帶處

佛家終仗布施錢綿津

去後無人管三雨殘僧白種田

子才舊遇相士胡炳文決其六十三生子七十六

考終後果如期得子一驗宐無不驗矣去歲七

十六遂飾巾待期者一年并預索同人說詩及



歲除竟不死乃又作除夕告存詩遍遺親友爰  
戲贈八絕句

料理行裝一載忙  
節巾仍不到樵陽  
五更待漏天還早  
再吃朝房厚朴湯

添丁果驗洗兒綱  
預索灰釘乃不行  
術者莫非司馬懿

不能料平聲死只料生

眊筆闍羅未及勾  
遂教天網漏吞舟  
笑他袍笏風流宰  
換作人間夜不收

割肉偷桃狡獪才  
九閻都怕此人來  
故應天亦難安頓  
纔召巫陽又赦回

開口吳見有是非戴逵求死反招譏此翁名士非高士  
本不將身繫少微

年是新年人是陳過年只算再來人便將來世述今世  
省得輪迴又換身

難星須滿一年期未飲屠酥尚抱疑想見呂嵒爐底伏  
幾番恐殺打雷時

莫怪輕災解縛纏前身原是點蒼仙

君自言前身  
點蒼山老猿

仙人一

劫能逃過又可嬉遊五百年

春農寓齋窗外忽生新竹一枝賦詩自誇戲贈

與可于尋已覺長笑君譽竹史無雙揚州寓舍新篁茁

道自家園透過江

君詩疑是故園亭子  
外一枝冒雨渡春江

月明鸞尾影娑娑掩映文窗隔皂羅莫是惠州都監女  
夜寒偷看老東坡

孤竹君曾傳二子勸君添个鳳池毛白頭笑倚欄杆說

階下龍孫爾許高

君孫已選  
拔明經

幽棲借得好林巒天與蒼筠伴歲寒便抵挂單童子寺  
一枝日日報平安

松坪七旬稱慶余已有詩奉賀嗣君次生又索屏

風詞爰補前詩所未及

已抒長句侑瓊卮又索屏風介壽詞恰似海籌多益善

祝公添歲我添詩

早登仕籍早歸田不用持籌但使錢詩酒笙歌娛到老  
始知世有地行仙

烟花夢久斷塵根禪榻旁無翠黛痕早喜析薪能負荷  
不須多子但多孫

館閣常疎步爍塵轉於林下得相親十年邗水過從久  
我亦隨公作老人

題岫雲女史雙清閣詩本

沈既堂  
先生女

詞垣宿素沈東陽家學流芬奕葉長不獨敬倫能儼父

掃眉嬌女亦文章



隔紗未試解圍兵  
展卷偏教見性情  
絕似李暮牆外聽  
一枝玉簡最分明

憶堦思親點筆遲  
蘭荃香入墨痕滋  
始知閨閣真風雅  
不在香奩艷體詩

略識之無便目存  
生平未上學堂門  
由來慧業關天授  
待有人教已鈍根

繡閣才名錢孟鈿

吾鄉錢文敏公女孟鈿最工詩

何當旗鼓對鳴甄  
玉臺他

口編新咏江北江南  
兩女仙

京口晤夢樓聽其雛姬度曲卽事

甘載清齋禮佛香  
翻將禪悅寄紅粧  
始知十六天魔舞

別是僧家一道場

手剔銀缸畫燭明  
愛留客坐聽新聲  
人間何限霓裳曲  
出自家姬覺有情

燄段新翻指點勞  
要令姿致極妖嬈  
自家忘却便便腹  
只管呼他學柳腰

恐將寒儉惹人嫌  
特與新裁綺縠織  
蓮步出堂嬌顧影  
傲他率地夏侯簾

笑我家貧赤腳多  
那能百琲買青娥  
鄭康成婢香山嫗  
只解吟詩不解歌

城鑰催人曲未終  
令嚴帥府鼓鼙鼙  
出城笑這將軍俗

不及羊羔老党公

遊金陵雜詩

十幅蒲帆兩草鞋  
借名送考到秦淮  
老夫別有西來意  
半為栖霞半箇齋

蹇衛牽來狗不如  
跨鞍難穩且呼車  
生平跋馬千山遍

老去翻愁一秃驢  
欲騎驢遊栖霞老不能  
跨鞍仍呼筍輿

人筆雙高不可攀  
雲烟洪養掩禪關  
京華四十年前友

頭白相逢在攝山  
老友張玉山精繪事  
公寓栖霞是日同遊

逆風船似挽強弓  
篙纜爭途夾港中  
忽漫開帆天解闕

此船不占彼船風  
遊栖霞之次  
日順風出江

興亡局似去來潮  
南部烟花尚未消  
丁字簾前一條水  
河房燈火見前朝

名紙填門奉玷壇  
隨園豪舉欲留餐  
靈山五百阿羅漢

一个觀音請客難  
子才招飲余以其客多故不赴

燕子磯頭落日懸  
支筇重到廿餘年  
阻風中酒曾遊地

垂老經過倍惘然  
余昔自黔歸守風燕子磯凡九日

揚帆百里不多時  
諺語江湖可入詩  
只有快船無快馬

舟人論詩家無此句新奇

真州蕭娘製糕餅  
最有名人呼爲蕭  
美人點心子

才以饒奇中丞中丞寵之以詩  
一時傳爲佳話



余亦作六絕句

帶得脂香價更高一奩粉餌入風騷美人手段才人筆  
補出劉郎九日糕

纖纖素手擅拈針改製餽餽味自深這箇麻姑好指爪  
不搔人背點人心

已是徐娘半老時

年已五十餘

芳名猶重美人貽不知年少當

爐日幾許游人妬餅師

一技成家動貴游遂憑食譜姓名留蘇東坡肉眉公餅  
此女公然另出頭

饋節聊同獻曝情竟邀椽不賜褒榮始知大雅羅材廣

錄到人間畫餅名

麩車涎早溢殘牙曲盃何當送我家為語故人應捧腹

老餐饑口嚼梅花

編詩

舊稿叢殘手自編千金徹帶護持堅可憐賣到街頭去

盡日無人出一錢

苦雨

竟月淋浪雨脚斜麥苗萎盡泣農家可憐兒女多情甚

一樣傷心只惜花

所見

白玉盆中發寶光  
洞天清供好排當  
明珠放出緋梅瓣  
無價奇花惜不香

女史鮑尊古賜題拙集推許過當走筆奉謝

下語評量費綵毫  
恰如鳥爪癢邊搔  
從教萬口流傳遍  
那及茗華一字褒

若遇隨園拾唾珠  
定應誇作女高徒

子才輯詩話多採聞秀詩輒稱女弟子

老夫

不敢衙官屈稽首  
仙臺拜鮑姑

安樂窩中有賞音  
家門風雅宿緣深  
遙知問寢重闈罷

閒和堯夫擊壤吟

邵松阿孫媳

莫怪香閨解擘箋  
清才多聚一門偏  
劉三娘子詩情麗

家學原從孝綽傳

合見景略  
本才士

不寐

老去無眠夜景清  
聊營腹稿待天明  
小鬟曉夢聞呼起

知有新詩枕上成

再題焦山寺贈巨超練塘兩詩僧

滑笏江流去不扃  
海風吹出一螺青  
十年來往空相望

今日纔尋瘞鶴銘

修篁密樹綠陰連  
不着樓臺得自然  
對面金山太寒乞

傲人生活勝焦先

對他浮玉覺寥寥  
蕭狐貉旁偏立  
緼袍齊已詩篇懷素字



兩僧共占一山高巨超詩最工  
練塘兼能書

伊蒲留客飫香厨蔬筍登盤木  
有餘我木才非蘇玉局

敢嗔佛印不燒豬寺中  
留飯

叅遍華嚴五十三老恩彌勒  
結同龕一庵似怕人來借

先自名呼作借庵巨超又  
字借庵

### 山行

路尋樵徑躡槎枒山色蒼深夕  
照斜一樹紅楓全是葉

翻疑無葉滿身花

### 論詩

着色原資妙選材也須結構匠心裁  
可憐絕艷芙蓉粉

塗在無鹽臉土來

野藪

菜根風味出江村  
恰稱田家老瓦盆  
辣玉甜冰常饌足

不知世有乳蒸豚

楊誠齋以蘆菘為  
辣玉蔓菁為甜冰

圍爐

頭腦冬烘一腐儒  
怕他冰雪冷侵膚  
平生性不因人熱  
老反趨炎附火爐

揚州觀劇

又入揚州夢一場  
紅燈綠酒奏霓裳  
經年不聽游仙曲

重為雲英一斷腸

回數歡場歲幾更梨園今昔也關情秋娘老去容顏減  
猶仗聲名壓後生

故事何須出史編無稽小說易喧闐武松打虎崑崙犬  
直與關張一樣傳

今古茫茫貉一邱恩讐事已隔千秋不知於我干何事  
聽到傷心也淚流

題竹初爲袁趙兩家息詞後

余戲述子才游蕩之跡作呈詞  
控於巴拙存太守子才亦有証

詞太守不能斷竹  
初以息詞了此案

一重公案起無因太守筵前訟牒陳不設青紗圍自解  
累君來作謝夫人

各挾雌黃訴到官閭羅包老也賴頊竹蕉兩造皆情熟  
欲判輸贏下筆難

調語褒訛總白癡客嘲賓戲戰交綏兩家旗鼓今無用  
同看營門射戟枝

一燈

出身早脫子衿青堪笑丹鉛尚不停頭白一燈孤館裏

廿三部史十三經

四庫館新類舊五  
代史遂成廿三史

天河

誰把虛空界畫粗生將別恨坐黃姑青天為紙山為筆

倒寫長江萬里圖



朔風甚急萬鴉集於枯木皆向風而立無一錯互  
者乃知其向風則羽毛轉順也向聞魚亦多逆  
水而游同是一理

寒鴉枯木景蕭騷觸目都增見地高鳥立向風魚逆水  
物生各自愛鱗毛

觀音閣碑

堪笑籌車致祝情望奢那計一蹄輕  
百金捐造觀音閣  
便欲碑刊萬古名

宦囊

解綬歸來卜築忙老夫曾此賀華堂  
看他營造看他賣

何事人猶羨宦囊

松坪招同葉生柏秀才高詠樓看荷花五首

老去心情愛物華肯同新婦閉帷車  
蹣跚行脚麻茶眼同向湖隄去看花

少日踈狂作冶遊那堪還占老風流  
惹他十里珠簾捲多少紅妝笑白頭

延緣一棹過紅橋早有荷香陣陣飄  
解事扁郎不煩囑但花多處便停橈

山是堆成水挖開憑空幻出好樓臺  
老夫五十年前到

曾見邦溝本色來

余已巳過揚州惟平山堂及法海寺餘皆斷溝古  
墓而已今湖山樓閣則皆庚午後開闢搆造者也

高詠樓前飲碧筒凭欄千朶絢晴空蓮花本是君家面  
還與先生發醉紅

答蔣蔣州秀才

歷數名場幾作家後生中有此才華白頭老嫗看新婦  
恨不親爲插髻花

贈當筵索詩者

盈盈十五出堂時妙轉歌喉勸客卮也是人間生活計  
老夫和淚寫胭脂

入冬日飲牛乳一升以代朝粥戲成絕句

曾傳著粥養衰翁服食還輸乳汁功白髮人爲黃口哺

老夫奇訣已還童

清晨飲我乳花香  
省得張蒼子婦忙  
笑問妳婆何姓氏  
遙遙華胄出奇章

訛寢蕭閒顧影驕  
愧無錦薦護寒宵  
柵欄爲築新牢就  
也算莊嚴貯阿嬌

服匿盛來日一甌  
瓊漿滿引潤枯喉  
卽看下咽如脂滑  
不用周官更祝鳩

縱無燥濕効微勤  
乳哺功深自策勲  
合請戴嵩爲寫照  
丹青貌出野王君

久食功堪奏養和  
焠羶氣亦染身多  
老饕自愛醃醃味



任把臊胡喚達磨

昔人曾飽穀於菟何似芻牢給所需老健定堪牛鬥虎  
看余矍鑠執笏驅

書生貧易德壺殮飲酪先誇至味存何限世間豪貴客  
還將人乳去蒸豚

自笑

一甌茗粥涕沾鬢背曝晴簷手擁爐試問古來麟閣上  
畫圖可有此形模

芸浦中丞邀我鄧尉看梅夢樓芷堂先在蘇相待  
遂同游連日并偕蔣子野秀才

廿年此願今纔果爲有佳招發興新行樂也憑賢地主  
腐儒何事不因人

燈節前頭雪壓枝梅花今歲較開遲花神大似留相待  
二月初來正及時

點役簽夫曉鼓催幾同喝道看山來惹他村媪從旁笑  
不是官梅是野梅

老幹空山格自高難將勢位屈孤標我來只帶諸名士  
壓得梅花不敢驕

漫將孤寂結相知豈識瑤林四照竒笑煞老逋真見小

賞心只在兩三枝

想見名卿氣力雄。要留爪跡雪泥鴻。黃金買得春山潤。

死葬梅花萬樹中。山有徐健菴墓

精理舟車縱客歡。宦齋獨對一燈寒。中丞枉作梅花主。

只撮人看不自看。中丞以事不得同遊

忍為清游攬只元。累人連日費供張。一帆歸向山塘過。

自買名花種草堂。索人買牡丹四盆海棠一株

戲題靈巖山館。畢次汎制府別業

靈巖千古屬西施。亭館何人鑿翠為。要與美人爭勝蹟。

秋帆此處是男兒。

手種梅花已丈餘。相需殷每遇偏踈園林間。煞公忙煞。

曳足壺頭正羽書

湖南征苗公  
方督辦軍需

愛山我乏買山貲  
公有青山只夢思  
何不把山來贈我  
省他猿鶴盼歸期

閱近人詩稿戲題

名士求名氣力殫  
到頭不出百年間  
那知世有神通大  
卧作長河立作山

題女史駱佩香聽秋軒詩集

冰雪新詩絕點塵  
女中有此謫仙人

志數遍樵陽籍

只替常儀作後身

集中女遊仙詩錄  
獨處何人領袖旁

益以自况也

如娥拚

解圍何必幃青紗  
對客揮毫筆有花  
如此才情如此韻



教他那得閉帷車

倘著冠巾試萬言也應第一領詞垣如何不學黃崇嘏

去作人間女狀元

禮佛香清手自拈禪心已證首楞嚴教人癢煞鮎紋背

不敢思他鳥爪尖

此豈宜居弟子行詩翁漫詡在門墻上元燈下千詞客

方待昭容玉尺量

間齋夢樓皆誇為女弟子

高旻寺鑑公房夜看牡丹戲書

一枝濃艷倚禪房銀燭高烧照滿廊我欲嚇他禪定破

老僧深夜對紅粧

揚州買芍藥。攜歸而齋前寶珠山茶已開過矣。

已向山塘買牡丹。又攜紅藥到雕欄。惹他千瓣山茶妬。  
家有名花不愛看。

子才以雙湖太守禁妓作詩解之戲題其後

登車紅袖滿啼痕。詩老爲招已斷魂。十四樓高功保障。  
平康護法好沙門。

八十衰翁已白紛。惜花心在老逾殷。哥行半段槍無敵。  
學救人間娘子軍。

南部烟花手護持。君房下筆妙言詞。女問援到齊桓例。  
莫是貪他夜合資。

巧爲蛾眉作主張  
一言感煞紫紅粧  
知君九十壽筵日  
定有湘蘭百妓觴

多少妖姬又冶容  
家家虔炷辦香濃  
青樓占得長生位  
也抵先儒祀瞽宗

雨不止

客牕聽雨夜如年  
簷溜丁東斷復連  
絕似小兒啼不住  
終宵攪得老夫眠

方罨田塍漲白波  
甘霖翻恐沒新禾  
曾經乙巳年荒旱  
不敢嫌他雨過多

野泊

扁舟晚泊傍村家  
露草浮光月未斜  
螢作火城蛙鼓吹  
野夫何處不榮華

題沈既堂前輩載書移居圖

買宅何須百萬奢  
為貪隙地好栽花  
移居大似村夫子  
滿載圖書殼駭車

檢校資儲一番忙  
大雞都點入行裝  
押綱不用鐵羅漢  
家具無多只縹緗

牙籤整妮上行軸  
卷帙真看欲汗流  
書似米家書畫舫  
陸行水泛兩風流

奏賦蓬萊舊擅名  
宦成那復作書生  
祇應結習難忘處



老戀青燈倍有情

八詠樓新葺綺寮又排書帙遣良宵只愁撐滿便便腹  
難作東陽瘦沈腰

哭偉兒

二十年無一哭聲此生應免起哀情誰知時命無終泰  
臨老西河欲喪明

未必興家且保家少年早自戒豪奢烏衣門巷牛衣志  
不闖人間金犢車

猶記生時有吉徵異香滿室兆榮名  
兒生於鎮安官舍時異香滿室誰知兆  
也無憑準只得頭銜廩膳生

拮据參苓恐不供但愁病劇敢愁窮一年心力枯何補  
囊到空時命亦終

身病堪醫心病難生來心性慣憂煎可憐半月前孤枕

將要長眠轉不眠

臨歿前半月  
通夕不眠

就醫吳苑半年淹勢急歸舟夏正炎氣力自知支不得

時時間過幾郵籤

吳門就醫半年到  
家僅六時即歸

時到彌留信可傷不呼妻子只爹娘五更續息微將絕

忍死催移到我床

到家臥其房不安速  
呼移就余床而歿

痛定追思痛更深自知不起病加沉恐傷乃父心難割

淚欲流時輒掩衾

雨孫卅角尙兒嬉他未知悲我更悲七十衰翁頭白盡  
豈能撫到長成時

彷彿幽篁尙式憑微風入戶閃孤燈定知汝不離吾側  
只是千廻喚不應

入棺猶是舊容姿從此真無再見期一語九原聊寄慰  
我來應亦不多時

夢中

月影橫牕夜向闌峭涼新入覺衾單夢中新鬼逢多少  
偏是亡兒一面難

年來孫補山巽秋帆兩制府門雲巖相公相繼下

世林下則顧晴沙袁子才王西莊又物故生平  
交舊一時俱盡淒然感懷

老來不復作詩新偶作詩惟哭故人哭盡故人無可哭  
孑然顧影白傷神

武緯文經將相功儒林文苑亦宗工此皆數十年成就  
何意淪亡一歲中

至蘇州寓懷杜閣後樓卽事

偶指名賢故跡湮祠成館我亦前因敢援彌勒同龕例  
縛帚聊爲灑掃人

斟酌橋通畫舫游都來塘北泛明流冶坊浜裏將寥落



漸少人登舊酒樓

垂老光陰夕照斜  
風懷聊復逐鉛華  
惹他年少竊相笑  
如此白頭來看花

名園樓閣表前賢  
點綴溪山物色妍  
自是承平好光景  
頗聞秦蜀正烽烟

去歲偉兒就醫寓舍在伍相國祠東今來過此泣

然有作

往事追思灑淚紅  
半年醫藥竟無功  
籃輿重過靈胥廟

忍聽人呼伍相公

鬼行五家人  
可為五相公

題短簿祠

短簿祠高虎阜東故居人指梵王宮誰知捨宅歸僧寺  
翻占名山地百弓

三月十日寓齋前牡丹纔試一花次日半開者數  
朶十二日曉村太守讌東浦藩伯湛露廉使柳  
亭觀察於此則百朶競放矣以後士女遊觀連  
日雜沓雜記以詩

聞道旌麾過使車牡丹連夜發穠華比他羯鼓催還捷  
富貴花原勢利花

那得才人不露才名花亦愛向人開一枝背面亭亭立

也對紅欄拗項來

花面皆  
則可人

翠翹紅袖總嬰春，稍爲移床避鞦韆。  
塵滿架名花，讓人看老夫却看看花人。

此行專結牡丹緣，繭栗催開七日妍。  
看到落紅吾亦去，人言薄倖杜樊川。

西湖寓樓卽事

又向西湖泛畫船，青山綠水故依然。  
回思奉母蓮池日

往事俄驚三十年

余丁亥歲初遊西湖奉太夫人寓蓮池兒時

虎邱遊罷虎林遊，人巧天工各擅優。  
黃篋酒樓青筍觴

西湖可惜不蘇州

遊船無數檻前過，占得湖樓俯綠波。  
但我見人人不見

碧欄干外綠楊多

人心趨處佛增靈  
祈雨祈晴有必應  
相燭檀香三竺路

一觀音養百千僧

年少吳郎絕妙詞  
相逢真恨十年遲  
瀟瀟暮雨催人別

腸斷西泠是路岐

吳蘭雪年少奇  
才同遊數日

一度來遊一度奇  
始知好景不勝追  
衰年敢作重來想

臨去多畱疥壁詩

春雨

連日春陰似臘寒  
正當

哀詔到

下頰  
垂淚  
細雨如無灑不乾



春寒

買得羊裘價十千，料應溫暖勝常年。  
誰知天又非常冷，依舊凌兢聳兩肩。

雨中杏花

四海方深逼密哀，今年春色總如灰。  
杏花知道無人看，不待晴開趁雨開。

山行看紅葉

十月清霜萎綠莎，翻看紅錦絢山阿。  
天公也有才人習，晚景詩尤綺麗多。

嘲梅

正無花候折寒苞巧結騷人淡泊遭若使開於紅紫內  
更誰來賞格孤高

除夕喜雪

冬暖常憂得雪遲得於除夕信當府製成鶴幣無誇處  
火急披肩去覓詩

暮雪

雪花如席壓炊烟萬籟無聲薄暮大我似凍禽喑不語  
忍寒危立老梅邊

所見

寒威也塚時侵肌驚見驅牛飲凍池搖手急呼莫莫莫

恐他公飲或傷脾

乞活兒

手足俱無畏敗羈蛇行蠕動路蜿蜒憐他生已不如死  
猶乞街頭活命錢

偶見

泥爐烟碧瓦燈紅香火喧闐委巷中三尺小祠七寸像  
居然顧盼自豪雄

酒間與味堂司寇追話都門舊事感賦

春明舊輩幾人存重話鴻泥指爪痕絕似上陽宮畔路  
白頭老監說開元

多雨

忽晴忽雨亂晨昏  
纔苦陰寒又晏溫  
一月九蒸還九曬  
老夫身作地黃根

花蝶

婪尾花穠深院藏  
外邊那得遠聞香  
不知蜂蝶從何覺  
已自飛來過粉牆

儒餐

土銼煤爐老瓦盆  
莫因鼎食羨豪門  
儒餐自有窮奢處  
日虎青龍一口吞

俗以葷腐青菜為青龍白虎湯

秦竈



秦蜀兵氛歲再葦蒼茫天意信難知世無杜甫能吟咏  
何苦教人賦亂離

太平生齒日增多天亦難供可奈何何不教他饑疫死  
卻教狼籍死兵戈

閒極

爲愛清閒早掛冠秀才生活辦粗完而今閒到無聊極  
臨老翻思去做官

山塘

清簟疎簾軟水舟老人無事愛清遊承平光景風流地  
燈火山塘賣酒樓

僮約

僮約雖頒十數條守門奴已出遊  
遊客來剝啄無人應  
只道先生故作高

舊簾中偶檢得在京時所畫  
鷗北耘菘小照戲題

卷後

灌園閒與白鷗視四十年前舊寫真  
只有老妻還認得  
兒孫俱不識何人

初冬柳色

古語由來未可聽爭傳弱柳望秋零  
誰知霜露判傷候

萬木丹黃此尚青

近游戲書

小舫清游不覺疲。每眠杉板當牀帷。也知就木期將近。  
先向船艙鍊背皮。

書劔南集海棠詩後

陶菊林梅名各擅。海棠猶未有專家。放翁此意先窺破。  
急把狂吟占此花。

健忘

破前僮僕或忘名。何況經書記不清。怪底近詩多白戰。  
軒南或軍已無兵。

厭聞

三十年來把釣緝厭聞消息說兵塵私憂竊歎何人識  
識亦徒嗤是杞人

巨超將歸托寄京口佩香女史

香閣論詩又兩年遙知淨業已皈禪不妨書托高僧寄  
止是清齋繡佛虔

新築軒仍榜聽秋我來準擬小停舟可憐兩度過京口

只見紅欄俯碧流

去年往來京口真不值

詩筆年年耐苦辛懣除不盡是前因女中才子僧詞客  
都是名心未斷人

枯木禪僧印寂先空山兀坐太荒涼作書爲介同花女



或有天花散道場

牡丹將開作布幔護之戲題

惜明花臺作幕遮玉樓春花名色倍穠華初非貴種偏珍

改爲是前年手種花

老之風情尚易撩護花心力費連朝一棚布幔當金屋

慚愧書生賤阿嬌

題蔣立崖大遠歸雲圖

屑寸膏流漢土田又分愷澤潤窮邊而今斂卻爲霖手  
散作餘霞尚滿天

連日競渡再賦

競渡傳從楚歲時為投角黍弔湘纍誰知千載沉淵痛

翻與人間作水嬉

賈雪中流爪鬣張不徒旌旆盡飛揚岸邊萬扇搖風處

也似金鱗閃日光

多少游船載豔粧揀擺都掛繡簾藏不教人見教人想

風過微聞茉莉香

綵幔高張俯碧流豪門坐召四龍舟

東門橋商孫氏

蒲鞞船上

蕭廬

船號蒲鞞

茅柴洒慚愧書生作冶游

是日邀同人舟泛

五月十三日相傳關壯終生辰常城列具雲車數

十座作神會今歲屆期大雨竟日雲車遂不能

出龍舟亦停戲賦

龍舟猶鬪彩霞紅又聳雲車絢半空一雨磨刀都嚇退

殺風景究是英雄

俗以是日雨謂壯磨刀雨

江陰道中遇順風

逆風翁忽順風多百里程途半日過卻看來船牽纜苦

我雖自幸亦憐他

放生河

放生河上放生碑禁斷人間網罟施可惜游鯈不識字

不知來此避漁師

游孫淵如觀察園亭愛其松石古秀正欲題詩於

壁適觀察以萬卷歸裝圖索題遂牽綴成篇誌

止

詞館才人畫省郎出膺使節暫還鄉書生大有誇官處  
豪擁歸裝萬縹緗

果然水木湛清華恰稱橫陳萬卷賒笑我方將賣書籍  
卜鄰來問爾東家

看山

物色難窮意想間始知閱歷老猶慳千形萬狀無成格  
天上浮雲地上山

偉見莽金壇之夏蕭邨哭以送之



不忍將兒遠掩藏五年棺尚殯帷堂愛深翻或青烏說  
遠送枯骸葬異鄉

地近華陽古洞天宿緣應許侍茅仙此阡或便當尸解  
好認前身已蛻蟬

諸子中惟汝肯堂儒家本色陋膏粱祇今十具牛空在  
付與何人作主張

葬同羸博見無期魂氣由來無不之他日乃翁游岱去  
不知可有再逢時

京口同佩香女史游招隱寺獅子窟八公洞綠蓋

樓諸勝

擬為彭宣問疾瘳江臯不遇且回舟誰知才女佳山水

只作秋來一勝游

費制府久病清江兩將回江寧故往京口候晤而費公未至遂作此游

支筇來問病維摩早散梨園罷教歌

夢樓已散去歌伶

莫怪臨分

頻執手京華舊友已無多

芻甫曾畱屐齒痕我來惜未得同羣風流各自堪圖畫

君挾緇衣我繡裙

惟存牛月前借巨超練塘僧游此

### 刊泊太湖

峭涼時節未丹楓萬頃騎波映碧空星月滿天人半醉

扁舟夜宿太湖中

山茶盛開邀去年諸同人小集

占得名花敢召賓盤餐莫笑庾郎貧珊瑚滿樹紅於火  
我亦人間石季倫

燕來巢

春燕飛來結壘工笑同賃廡到梁鴻容他夫婦雙雙住  
我亦高人臯伯通

兒曹採卵恐難禁竟不隄防意外侵知我刑于施有政  
一家童子總仁心

玳瑁無梁似野葦慚他朝夕進風檐聊申僮約行方便  
教緩垂簾早捲簾

蜂蝶

是誰送信洩春寬惹得偷香賊滿園一樣貪花輕薄性  
蠶蜂強暴蝶温存

春風齊入百花村掠粉含香各飽殮一樣採花分兩技  
一收花魄一花寬

螢入書室

炳燭焚膏念已灰夜深暗坐眼慵開流螢只道猶勤學  
飛入書窗映字來

題芳茂山僧寺

無山空買一株藤競想逢山快一登嵐翠滿庭門晝掩

有山不看是山僧



看剃度者戲之

拈花一笑問沙門何事圓顱髮不存我見如來非老秃

青螺滿髻未曾髡

佛像俱作青螺髻則如來未嘗髡髮也

飯餘

飯餘一枕倚窗紗睡起甌香小啜茶攜得胡牀臨水坐  
柳陰深處看荷花

日力

兩目雖存力減前臨文敢怨視茫然自從六歲攻書起  
我已勞他七十年

簾雨

綠遍田禾不隔區  
簾前又見雨沾濡  
雨絲作經去聲簾放翁詩

絲緯織出幽風七月圖

遊焦山至揚州途中雜詩

洞庭遊了又焦山  
更指揚州寶塔灣  
老去翻成游蕩子

蘭橈一月不曾閒

詩翁八十尚兒嬉  
遊侶居然挾兩雌  
鎖骨觀音散花女

天教狂煞老頭皮佩香 悟情

鶴銘隄上贊公房  
曾與吳均共對牀  
回首雪鴻成故迹

瀕行爲拂舊題牆昔與吳激登李膺生同遊焦山 猶巨超禪室李激堃先歿矣

左思賦已壓詞壇一序何須乞士安  
自是老饕多口福

累他珍饌上牙盤  
左蘭成屬 精屬余題 詩本

巨超行脚未曾迴  
剩喜清師半日陪  
笑指牡丹添貴種

花時日日望公來  
至高旻寺 如鑑設亦指院中牡丹 數十本皆別後添種惜已開過矣 如公號清涼

虎賁曾感孔融情  
為是中郎舊典型  
今日故人餘筆塚

把君臨本哭蘭亭  
練塘書李 夢樓過竹

軟脚華筵為我開  
典衣治具意堪哀  
衰年未必還相見

何忍堅辭餞別杯  
既堂

當日看花兩白頭  
碧筒杯飲最風流  
十年車泛紅橋權

忽過張家高詠樓  
傷極坪 之殺也

幾載相思暗淚痕  
何當握手轉無言  
僮奴只怪過從數

三日僑居六款門

齊生

費盡遊貲到處過為尋詩料引清哦詩囊無句錢囊罄  
大笑先生折閱多

鼻涕

撲面風來酒力消懶殘鼻涕掛成條卻思年少粗豪處  
一唾高於二丈橋

歲會

歲會粗增什一錢居然阿堵滿牀前不知他日誰家物  
煩我持籌數十年

看燈



何處謹聲溢市闌  
仙橋北露華初  
廣場千步春燈滿  
月走遊人火走魚

紅梅閣題壁

出郭尋春羽客家  
紅梅一樹燦如霞  
樵陽未卽遊仙去  
先向瑤臺掃落花

觀餽雞者戲作

簸春餘粒撒籬間  
粥粥呼雞恣飽餐  
只道主人恩意厚  
誰知要汝肉登盤

彭殤

彭殤相遇益塗邊  
各述生前住世緣  
旁有螻蛄聽暗笑

不妨童叟拜同年

花木

誰言草木竟無知消息能參造化奇不待司天頒朔到  
自然開落不愆期

衰老

莫怪交遊厭腐儒家居亦自歎羈孤滿堂兒女聞聲避  
象叛親離一獨夫

戲贈

氣豪畧不問生涯冷笑他  
人苦作家富貴性情貧賤命

黃蘗吃了去看花

見爭地者戲作

估人寸地未堪耕  
訟牒紛然訴不平  
別有元龍樓百尺  
卻無人以估天爭

再到西干故里

釣游歷歷舊烟村  
相識曾無一個存  
莫怪老錢高自置  
見人一概喚曾孫

劉松嵐觀察

大觀

舊嘗宰鎮安之天保縣  
在余守

鎮安後二十餘年矣  
茲過常州偕稚存來晤  
且言鎮民已爲余立生祠  
虔奉弗替感賦

南微歸來已白頭  
鴻泥那復爪痕留  
誰知三十餘年後

尚有遺民祝故侯

自知無績可流傳只有硜硜不愛錢始識愚民原易感

不為貪吏即稱賢

在任原思死莖桐

余在鎮愛其民淳事簡實擬老於是官不願遷也

豈期民已社樂公

不愁身後無歸處九朵蓮花一畝宮

赴鎮安必由蓮花九黃而入

水車十百厚田水入河

修蛇蛻骨桔槔多邪許聲悲似輓歌可惜踏車如許力

翻塇田水灌塘河

年年河水灌田禾田水今翻灌入河絕似貧人還宿債

羊羔利較本錢多



小暑後忽得少晴低田水漸退而鄉民又恨東南  
風大不得速驅向蘇湖致插秧尙有待也詩以  
解之

積雨新晴氣已蘇又嫌風不小流驅果然驅到鄰爲壑  
我得春炊獨飽無

江邊

彌望郊原白浪滔尾閩何處泄狂濤百川都向滄江灌  
壓得潮頭不敢高

少日

少日伶仃僅一身兒孫今遂列成羣人間米貴何關我

百萬分中也一分

溝壑

溝壑災黎待斃身相逢不禁恫傷神若教破我慳囊救  
又覺他原是路人

再過城東小桃園

少年曾此屢經過腸斷草娘曲歌今日重來頭已白  
不知何事淚猶多

米貴

曉市聲喧似湧濤爭營口食罄錢刀其言米價如梯級

一步升來一步高

只爲人多覺地福平一人一畝尚難全孟子若生今

世敢復高談古井田承平日久生齒日蕃若人各百畝安得有如許田也

景德祥符脫亂離小兒鼓腹老舍節始知斗米三錢價

總在人稀地廣時

海角山頭已遍耕別無餘地可資生祇應鈎盾田猶曠

見天可惜高空種不成富書

更從何處闢退甌只有中郎解發邱或彷彿秦開阡陌例

盡犁墳墓作田疇

勾踐當年急生聚令民早嫁早成婚如今直欲禁婚嫁

始減年年孕育蕃

五風十雨惠民深，物產猶難給釜鬻。到此天心縱仁愛，也愁力薄不從心。  
斗米需錢四百餘，真同珠價論銷銖。老夫翻借誇豪富，一日厨炊一斛珠。

蔣立菴輓詩

少小交游到老成，十年以長忝爲兄。正期伴我桑榆晚，何意今翻哭後生。

半年不斷藥爐薰，轉側常資婢僕勤。看到呻吟牀第苦，翻祈君早赴修文。

病榻惓惓念析薪，預愁身後藐孤貧。大家都有兒孫累，



誰是人間了事人

空中笙鶴引遊仙  
此事何須快着鞭  
恐我他年無伴侶  
預先相待大羅天

楊嗣山輓詩

老去枯腸不作詩  
作詩多是輓歌詞  
寢門哭友連三日

兩淚幾如不斷絲

三日內連得錢竹汀  
蔣立菴及君之訃

看花每歲荷開尊  
精饌真過石季倫  
自是老饕無口福

正思大嚼失屠門

君家杜鵑花皆各種每開時  
必具精饌宴客余嘗有詩

頃刻花開七七仙  
歡場履舄故依然  
明年櫻筍厨誰設

灑淚東風泣杜鵑

佳句

枉爲耽佳句勞心費剪裁生平得意處却自自然來

春蠶

滿箔春蠶食葉肥腹絲抽盡作蛾飛尚餘五色文章在  
留與人間織錦機

述菴侍郎遣人送示新刻湖海詩傳所輯皆生平  
交舊凡六百餘人人各系小傳其心力可謂勤  
矣敬題六絕句

涉江踰嶺採芳蓀多是題襟舊墨痕辛苦雅輪扶隻手

故應一代仰龍門

有唐何止萬詩人篇什如今幾个存  
大息茫茫烟霧裏  
不知多少暗啼冤

也是左平大願船盡收交舊入新編  
淮南賓友何多幸  
得附劉安總上仙

網盡珊瑚也足雄  
唐詩選只說荆公由來買馬招兵戰  
萬骨枯成一將功

往事傷心踏戰珊瑚選詩特爲百篇增  
不知朽骨空山裏

可識歐陽序宛陵

選趙璞函詩獨盈一卷蓋公與璞函同從軍滇蜀璞函蜀殉難木果木故存歿之感倍深亦可見篤於風義矣

對鏡親描兩翠蛾  
自矜絕豔渺橫波  
一從粉黛叢中過

始覺人間佳麗多

長至日同人夜集

長至纔交薄雪飛，可無轟飲辟寒威。  
書生豪舉真堪笑，前面開樽後典衣。

吳穀人祭酒枉過草堂邀稚存味辛同集

裾屐聯翩總勝流，沉沉飲盡更籌江。  
天望氣人應說，今夜文星聚趙樓。

已屆消寒九九天，燈光月影泛觥船。  
殺雞爲黍儒家宴，俗煞沒陽軟脚筵。

百年人物遞當場，館閣歸來鬢各蒼。  
公等已皆稱老輩，

衰翁得不曾靈光。



袁才子蔣餘王應總作塵慙遺漫比後來薪名流各  
有千秋在肯與前人作替人

冬暖

繡線雖添暖未消想天亦怕聽寒號  
吳嬰尚有狐裘在  
不得披來傲緼袍

春令之行暖不裘漫憑洪範細推求  
陰陽調燮何關汝  
偏是書生易杞憂

不須深窖幻唐花自是天心急物華  
惹得柳桃俱躁進  
纔看落葉已抽芽

今年夏雨過多低田有被淹者高田則大熟余有

田五六百畝散在各鄉高下不等及收冬租各

佃俱稱被淹竟抗不輸納書此一笑

我田未必水中央因潦俱稱被浸傷同此一區豐歉異

佃家大熟我奇荒

少日無田嘆釜罄誰知田亦有升沉我困便是滄桑幻

旱則山頭潦海心

旱則指我田為高阜潦則指我田為下  
縣緣田主不知田所在常州鄉俗皆然

### 新年

一笑貪癡鶴髮翁新年又喜欵春風閒尋古老人為伴

數到淇園衛武公

春夜看係男女舞燈戲年

碧天如水月如霜五丈空庭作戲場  
破費買燈錢一貫魚龍兩隊小排當

行春五馬記南州謝事歸來剩故侯  
騶卒輿丁無一在百攜童稚作遨頭

兒女青紅樂事多新年例得免譙訶  
老夫恐踏唐休璟

不敢隨他戲拔河

唐休璟借三品以上  
戲拔河隨才踏地

都是孫曾手自持舞燈供我作酣嬉  
笑他白傅空尋樂只仗樊蠻唱柳枝

筆工胡生以羊毫裹兔穎名之曰綿裹針頗馴健

可書戲爲二絕

老來那得更還童  
自分中書老不中  
忽得銀毫濡墨寫  
曰頭公變黑頭公

柔毛何意內含剛  
恰與詞人寫錦囊  
放出晶芒高萬丈  
依然佛頂白毫光

米貴

米貴直看逐日昂  
民間一撮藉通腸  
老夫家法難行丈  
其授全家辟穀方

雞戲

我冠壯距奮雄鳴  
可惜單栖到五更  
爲聘一雌留配匹  
老夫家法最通情



錦囊

老已中乾尙外強嬉遊還逐少年場怕人笑我詩才盡

特遣奚童背錦囊

小遊仙

瑤草琪花別洞天誤人春夢小遊仙麻姑爪豈曾搔着  
枉被方平一頓鞭

舟行

知有烟村綠水灣寥寥一犬吹柴闌百株楊柳千竿竹  
惜不移家住此間

二麥將收連旬大雨感賦

米價經年節節高茅檐待哺止嗷嗷麥秋時候連旬雨  
天要殺人不用刀

麥已歉收雨猶未止而龍舟之戲尚華艷如昔感

賦

正是柴荒米貴時龍舟仍復門琴麗滿堂燕雀羣嬉處  
中有饑寒世未知  
只恐饑荒在眼前中流鑼鼓漫喧天老夫聊亦逢場戲  
不敢思量到半年

血氣日衰竹初勸食人乳戲作

昔年乳藉養牛見漢書供人乳今更軟飽功驕貴莫嗤人

代畜貪癡要想老還童

醉盤孩稚已扶牀又費餐錢雇奶娘黃口曾孫黃髮叟  
一齊都帶乳花香

不煩燥濕効勤多新婦居然暫作婆若使屈尊呼乳媪  
我年三倍長子他

味到寒儒始覺珍不教涓滴漉陶巾恐防悞作蒸豚用  
莫近人間富貴人

無聊

天以無聊因此翁轉尋生活寂寥中一聯未穩何關繫  
寬費推敲半日功

兒童敲背

兒童娛我度良宵如蕨拳輕把背敲一個西瓜分八片  
阿翁大費爲酬勞

年來市間飯盃漸小蓋築戶工料增貴暗爲收減  
也感賦

盃盤新傳縮地方午餐計數似勝常不知腹只還依舊  
只註咽喉不誑腸

泥胚默減世誰知食量殘年木暗虧似爲廉頗諗健飯  
對人只說似平時

秘方妙以縮爲盈頭使加餐得各始悟軍前增竈法



老夫又欲去談兵

自因範土費增加埏埴雖工器漸差此事隱憂殊不細  
五材長價到泥沙

十月二十二日為余八十懸弧之辰前一日兒輩

為余演劇煖壽是時正白菜上市老夫方謀旨

蓄禦冬督奴婢醃菜書此一笑

鄉風煖壽本無稽兒輩尋歡欲借題珠翠滿堂簫鼓沸

先生正製菜根齋

費筠浦相公遠寄海虎珍裘值冬煖幾至閣東戲

題三絕 裘出塞北俄羅斯國色黑而毛密中  
土人名之曰海虎彼國不知何名也

故人念我冷探梅遠贈烏茸妙剪裁可惜溫溫無所試  
寄裘不帶雪霜來

鄒律曾回黍谷暗區區軟毳豈同論相公自有調元手  
裘到江南候早溫

擬誇鄉里小兒曹銜耀州來秦復陶天不許更寒乞相  
不如還贈舊以袍

僧了凡衣狐裘大有銜耀寒儒之意詩以調之

狐白袈安課梵音漫驕儒者捉寒襟孔夫子而無金紉  
不比瞿曇滿而金

七條衣上帶餘蘊氍毹煌煌氣色鮮日不如葦身不素

佛門何處野狐禪

俊兒供饌頗嘉余以其脾泄病催令服藥

子舍能供酒饌精乃翁却勸藥爐烹一甘一苦雖殊味  
總是人間父子情

久不着鞞元旦須望闕行禮而鞞底霉黑以粉

塗之戲作

粉應傅面美容華何事朝鞞底亦搽塗抹鉛華到雙腳

先生毋乃太驕奢

正字通無以字然東坡云有幾個搽粉的處似則此字可補入詩韻

西干故里

門巷依然涿水濱釣遊陳跡黯傷神我來便是遼東鶴

盡日曾無舊識人

論詩

結習耽吟老未忘  
尙隨年少角詞場  
只愁後世無新意  
不敢多搜錦繡腸

報施

報施有定理靜驗殊不然  
但見天養人不聞人養天  
同鄉舉消暑會余以齒序屢叨首座戲簡諸公  
冰厨消暑彷彿南皮首座班尊絕等夷  
我欲讓人人不肯  
爲嫌漸近百年期

余不喜茹素自六歲遺先君子書館卽無日不肉



然每食不過二兩今年八十餘約計已三千三  
四百斤日惟庸姿薄植毫無益於世而享此口  
福良可愧也

勵志雖甘咬菜根未嘗一日不羶葷有何功德施人世  
食肉三千四百斤

夜起占星

月離于畢兩應來翹首占星望眼開天要殺人何與我  
乃勞夜起兩三回

冬暖

只救人寒不救饑饑荒叩可更寒威想天刀下留情處

尙念民間未贖衣

草花

十笏庭齋傍水涯  
鳳仙藍菊燦如霞  
老知光景奔輪速  
不種名花種草花  
細碎花紋密似編  
開來不值半文錢  
若教巧匠金絲製  
價又高懸索百千

換衣

逝者如斯見化機  
老來寒暖要防微  
新秋一樣清風發  
人着單衣我夾衣

草花畧澆灌  
輒欣欣向榮  
乃知賤種尤易滋長也

草花誰灌沈泉清偶荷滋培倍發榮始馬六朝中正品  
用寒人轉奮功名

### 東籬

陸放翁舍東有隙地插棘爲藩植花木其中取  
陶令詩意名之曰東籬余寓齋在石橋之東隙  
地半畝亦樊爲圃雜植野卉因亦以名焉書以  
解嘲

陶令東籬久著稱放翁插棘我牽藤可憐俱附前賢迹  
已又三層最下層

### 秋葵

葵高二丈俯中庭  
花面鵝黃一色深  
誇富漫言金滿地  
吾家更有滿天金

寓舍有二犬  
余飯時只一犬來詢  
知乃母犬讓其  
子得殘炙也感賦

一骨拋投母不爭  
小厖因得飽餘烹  
由立舐犢關天性  
不但人情也物情

同牢百犬兆家和  
讓食何爲只犬婆  
旁有黠奴心暗笑  
主人餘惠本無多

白荷未殘黃葵又綻  
戲咏

雪白池荷正映棚  
葵花黃又卷簷端  
豪華欲傲玉元寶



上有金盤下玉盤

卽事

五月扁舟到暨陽  
茶瓜清坐但迎涼  
蕭齋不覺居停久  
見了秋青又稻黃  
開庭半畝水之涯  
雜卉羣芳總麗華  
來是將開去將謝  
此行端似爲看花

自嘲

衣食無憂只讀書  
不知此福怎消除  
祇應老罰飢腸吼  
饒向陳編拾唾餘

六言

孝先任嘲便腹坡老爭讓出頭光  
不能萬丈聲名那得千秋

金風

閒向東籬玩物華  
化玉消息在萌芽  
金風吹滿黃金色

叢桂園葵野菊花

枕上

何物消閒味  
詩多枕上成  
卻將詩索枕  
枕又寂無聲

柳色

暑退農功又築場  
秋來一雨一番涼  
隄邊暗換垂楊色

不是嬌黃是硬黃

肩輿拜客問輿夫勞瘁適食盆中有炙糕各賞三  
條書以一笑

雇得籃輿拜客遙炙糕慷慨賞三條輿夫不敢嫌慳吝  
自笑朝來腹太枵

無詩

每日耽吟到日西幾於搜及角中麤只愁明日無詩句  
卽此無詩又一題

花畱客

雇得歸舟泊水湄庭花連夕發妍姿憐他似欲畱農住  
臨別匆匆爲改期

瓦七寺沙

絕句二

七

歸舟

楊舍城南一葉舟滿途黃葉已深秋西風自是無情物  
催我遄歸不少留

少睡

十二時中神影形三時瞌睡九時醒如何卽此三時內  
又被南柯攪不寧

見贖衣者戲賦

一夜霜寒贖做衣贖來便在櫃前披看他顧盼自雄處  
回去居然衣錦歸

放懷



放懷漫擬地行仙屋漏微光上有天  
試聽衆禽俱報曉  
鴉鳴常在鵲鳴先

昨歲除夕香遠丙弟得一子書以奉賀

充闕佳氣藹春和唱到徐卿二子歌  
同是生兒君倍喜

當年相國望孫多

外曰文恭公  
望孫最切

仲氏吹篪伯氏填長君正喜棣華繁  
誰知努力相爭勝

坐使而翁又抱孫

長君培斯亦  
有添丁之信

醕酥方飲歲除杯繡閣俄欣送子來  
未到三朝先兩歲  
懸知夙慧易成材

紛紛羊酒賀親鄰湯餅筵開喜氣新  
八十四翁來發兆

上堂親撫石麒麟

從飯館中買半雞佐餐戲書

常時嚼蠟腐儒餐買得家禽侈食單公膳  
雙吾半隻雖奢亦露秀才酸

院中有芍藥而無牡丹戲書

牡丹素擅夫人號芍藥甘居侍婢卑堪笑先生欠莊重  
風情只敢謔將離

有以木瓜見贈者折芍藥報之口占二句

山齋有清供氣味總相若投我以木瓜贈之以芍藥

做裝

輕暖貂狐價白金書生空作苦寒吟一羊裘做偏多用  
日當衣衾夜當衾本諺語

三月十八日檀橋門首同看小茅山香會經過

竿木逢場好治遊小茅山會此停驂門前來往人千萬  
偷眼爭看兩白頭

熙熙人其樂春臺一老相隨笑口開不比帷車避新婦  
聽他看煞子瞻來

空雷

有名無實每成空天亦隨人染此風一夜怒雷轟霹靂  
明朝依舊曉霞紅

四月十一二等日大寒圍爐就煖偶書

五月披裘氣自雄我今四月擁爐紅  
天教寒士添佳話但冬烘夏亦烘

寓山塘五日

虎邱山下聚烟花畫舫歌樓遍水涯  
老我亦成游蕩子風相送不還家

賀蔣霽峯郡侯得孫之喜

孫早堪償得子遲使君頭日要含飴  
輸他東閣郎君福丁八青年便抱兒

堯母門應得寧馨不輕誕降乃祥徵  
息陰健翮培風厚



一出方知是大鵬

如十二  
月方產

我方重起鹿鳴筵，爲是庚科折桂仙。  
八十四翁來賀喜，竟須先後敘同年。

余以乾隆庚午科舉於鄉，今又屆嘉慶庚午例，得與新舉人敘先後同年。適聞吳梅村集知梅村，亦庚午舉人也。

發科同歲本非親，聲氣相聯誼亦敦。  
攀附名流吾最幸，敘同年直到梅村。

### 隱仙菴看桂

隱仙菴桂百年柯，金粟乘秋燦曼陀。  
怪我出門蜂蝶繞

只緣坐久染香多

前朝寺觀遍城坊都出權閹勢力強獨有此菴留隱迹

故應俗煞眾貂璫

相傳前明守備大監所造

燕子磯

燕子磯邊坐結跏嵐氛雲氣兩模糊平明放棹棲霞去

一幅烟江疊嶂圖

外孫湯文卿中式舉人喜賦

我方重赴鹿鳴筵又喜東牀有後賢一代賓興傳異事

外孫外祖敘同年

哭蔣望溪

死盡天遊只剩君君今又去更誰親想因我命應孤獨  
先降災星到故人

山陽許已渺難追數盡寧論日早遲君去不須愁寂寞  
我來應亦不多時

飾巾待盡便登程屬纊惟餘我送行眼看垂危無術救  
剩將雙淚寫銘旌

題明末肇高雷廉瓊五府巡撫李武舟家傳後

掌太山川瘴海濱前朝殘局有勞臣馬場十八先生外  
又一孤忠殉國人

是何節度强支持戰敗丹心死不移并少一杯乾淨土

預題止水後園池

五更

倚壁燈光小炬留宵眠醒必五更頭吾身自有時辰表

不用雞人報曉籌

題金素中太守四瀛小築圖

家傍黃山客晉陵寓齋十笏占西瀛雅人所至皆名迹

况有林巒結構精

曾驅五馬走駝驪澤遍閩南又濟南縮本摹來雖尺幅

胸中海岱已全涵

里俗戲劇余多不知問之僮僕轉有熟悉者書以



一笑

傳本不經村伶演作繞梁音老夫胸有書千卷  
翻 僮奴博古今

佳句

詩從觸處生新者輒成故多少不傳人豈盡無佳句

夢偉兒

多年不見見逾親相對惟餘淚滿巾夢斷不知何處去  
殘燈無燄碧如燐

蟻陣

萬儀紛紛各逞強縱強能占幾封疆可憐不自知微末

結陣居然作戰場

曝背

曉怯霜威犯鬢皤  
擬營暖室怕錢多  
牆根有日無風處  
便是堯夫安樂窩

虛名

虛名久已積年陳  
猶聽無憑宿世因  
難道虛空如此大  
不能容得一傳人

旬日無詩

天機雲錦朗昭回  
刀尺徒勞費剪裁  
怪底經旬無二句

等他右句自然來

五更不寐

結習難消已作魔  
夢回不覺續吟哦  
雞初鳴到雞聲歇  
枕上詩功兩刻多

星斗闌干月下絃  
沉沉柳鼓夜如年  
老人夢醒荒雞叫  
窗外窗中雨不眠

遙知霜氣颯寒空  
小炷留燈一穗紅  
臥榻旁偏有鼻睡  
鬚童頭已觸屏風

臘月廿四日大雪

曉窗驚見雪成堆  
預卜豐登遍九垓  
堪笑此翁都不管  
只誇步履可探梅

嘲梅

南海北杏各爭妍地氣人工有轉旋鄧尉山前香雪海

如今真欲變桑田

種梅處多改種桑蓋蠶利厚也

水邊籬落影橫斜品格高寒另一家何事不知先避俗

官方開印亦開花

新歲

袖手相看長期風人人都想擁爐烘不知凍面皮皆赤  
只道貪杯發醉紅

紅梅閣探梅

滿街簫管競繁華閏歲春遲柳未芽趁得今朝風日好



紅梅閣上探梅花

探春

何處探春作冶遊  
教人指說老風流  
影娥池上凌波步  
初月梅花第一樓

江陰別業頗有竹木之勝率題絕句

邵堯夫偶結行窩  
虧得前人剩澗阿  
屋宇要新園要舊  
貪他老樹綠陰多

常時只想避囂塵  
晞髮扶桑未有因  
今日始看林壑就  
可憐已是白頭人

閩邸報有粵西宜山縣民藍祥年一百四十二歲

聖恩賞給六品頂戴

御製詩章匾額並建坊銀幣恭記盛事

兩古稀年并一身昇平人瑞有耆民直從九老香山會

千有餘年見此人

香山九老會惟李元爽二百三十六  
歲僧如滿九十五歲餘皆未九十

人生誰不慕高年百歲光陰已似仙到得添籌添破格  
教人不敢想隨肩

計年杖國兩輪回省得浮提又換胎卻笑癡頑駘背叟  
君年六十我纔孩

寒甚

寒戀重衾夢尚迷臥聽榔鼓小樓西家風熟我刑于化

懶到荒雞亦少曉。

元墓看梅

元墓看梅破曉寒。遲來數日已開殘。替身幸不辜來意。  
開遍山山白玉蘭。

到家正值山茶花盛開

尋春步履遍蘇臺。帶得餘香轉櫂回。笑比秦宮花裏活。  
到家又值海紅開。

昨歲檀橋門首與同看。小茅山會今檀橋已故香。  
會又屆期不勝感愴。

昨歲歡場共冶遊。小茅山會此停驂。傷心重過烏衣巷。

兩。白。頭。今。一。白。頭。

入耳賊

元禮門高萬仞岡肯教代作嫁衣裳四知金到雖磨去

已。是。人。間。入。耳。賊。

有人乞副憲孫薪向地方官說情許以厚賂薪斥去之謂此言聞於我即是入耳賊也見姜南瓠里子筆談

城北門外有長濠一道萬柳參天綠陰可愛偶因

拜客遇之率賦

晉陵城北古濠邊千樹垂楊罨野烟八十年來身未到

今朝始識蔚藍天

午節前連日大雨誌喜

彌空解澤信知時城外栽秧內水嬉苦樂雖殊情則



大家都快雨淋漓

新晴民皆跨街晒衣肩輿多從襦袴下過

積雨初晴衣共晒街懸窮袴襦襠多老夫不受淮陰侮  
也復低頭胯下過。

水閣看龍舟競渡

水嬉金翠活龍鱗遊舫千艘沸水濱舉國若狂吾亦頗  
屢豐年歲耄期身。

暑不可耐劈瓜六片分縛於胸膈頂背以敵炎歊

戲書

抱冰應笑越王癡貼得瓜瓢冷沁脾翻似漆身爲癩子

滿身紅得血淋漓

自幸

兩板衡門二頃田書生願已不虛懸  
慚他踏鼓東華客

高臥江湖四十年

余自四十六歲歸山今八十五歲里居已四十年矣

露坐

星斗闌干夜氣清  
淺涼坐到月初更  
忽聞孩穉爭喧噪  
撲得流螢似捉生

又

貪涼露坐曲欄東  
專候雲開月滿空  
誰識月光猶帶熱

最涼還在月陰中

誰鼓

誰鼓聲殘接曉烏  
牀邊側几一燈孤  
不知偶得驚人句  
可有前人說過無

偶得

果入輪迴要換胎  
得新軀設亦何哀  
只嫌老馬爲駒處  
八十翁翻作小孩

長晝蕭齋手一編  
非閑積學爲消閒  
不知銅臭胸無字  
何術支他日似年

七月三十日常州新造寶塔燈觀者全集

俗愛嬉遊是晉陵  
市頭米價漸加增  
可憐滿肚皆藜苲

出郭爭看寶塔燈

此鄰楊雲珊家老桂大開香透余室喜賦

比舍得芳鄰如行慧山路但聞桂花香不見桂花樹

乍冷

正愁煩暑似洪爐忽漫秋風冷切膚乍冷欺人吾不怕  
申箱尚有管寧襦

相衣

老去令人服侍難涼思披破暖思單相衣頻換防生蠶  
又恐夏衣犯曉寒

即景



千株垂柳綠當門  
菴畫溪山是此村  
何必平卑金谷壘  
有濃陰處卽名園

孫曾

孫曾羅列要遨頭  
披簿呼來作近遊  
吃飯穿衣吾不管  
燕貽各有乃翁謀

冒雨尋菊

節過重陽菊遍開  
也須晴爽好銜盃  
有何急事東籬下  
帶水拖泥笠屐來

流光

流光坐擲寂寥中  
天以無聊因此翁  
老去作詩多也絕

又從廿八字求工

幻夢

卅年屏跡隱蒿萊  
夜夢無端見上台  
我不憶他他訪我  
得非富貴逼人來

上塚

已是橙黃橘綠天  
出郊滿路說豐年  
柁樓斜挂金銀鏢  
知往鄉間上塚船

皓首

皓首猶勤手一編  
叢殘舊稿卷盈千  
虛名垂老將傳其

古一年多白十年

秋風

十笏書齋坐次寥門無俗客把門敲秋風吹落梧桐葉  
露出梢頭老鶴巢

涼枕

冰霜氣已失暄和涼枕如何戀夢多莫是壯心猶不已

暗中自煉鐵頭陀

僧生笑余冬月尚枕涼枕不知余  
終歲皆枕此慮頭面有虛火也

消閒

消閒還藉讀書功已似殘燈燄不紅年紀益增學益退  
得非真个老還童

坐守

經年坐守故書堆一事無成信可哀始覺孟嘗門下客  
雞鳴狗盜亦竒才

水轡頭

治坊濱遊船將泊先快  
櫂搖三匝名水轡頭

俗愛嬉遊是虎邱翻新市語亦風流治坊濱裏船將泊  
先放三回水轡頭

壬申元日

新年又益海籌長八六者齡力尚強笑引古人相比較  
居然已勝郭汾陽

汾陽年  
八十五

喜晴

窮陰匝月困愁霖我道將來必有晴今日果如吾所料



一輪紅日滿窗明

早醒

荒雞膈膊一燈昏  
風露寒侵夜嚮晨  
譙鼓未終殘夢破  
人問第一早醒人

僮約

少日曾嗤蝨處禪  
老來習懶漸成真  
預頌僮約如軍令  
除了看花不出門

長晝

掩關長晝守蘧廬  
何物消閒度索居  
虧得健忘無記性  
古書看過似新書

論詩

詞客爭新角短長迭開風氣遞登場自身已有初中晚  
安得千秋尙漢唐

天河

候屆農忙正熟梅夜瞻星斗朗昭回虧他多少銀河水  
忍住空中不下來

五月廿三日大雨四五寸誌喜

正插秧時大雨來綠木高下一齊栽吳儂相見無他語  
萬口同聲大發財

四野翻犁盡叱犍懸知天亦卹民艱向來錯厪屯膏肓

只道天公不破慳

漸矮

上堂須要攝齊升舊着衣衫覺暗增兒輩漸長吾漸矮  
聊欣跨竈有先徵

經史翼宸故居

城東經過舊青門天尺軒猶綠蔭繁  
二步回車仍腹痛最難忘是舊承恩

香牛皮席

香牛皮席擬涼生汗漬無眠直到明  
笑我著書曾未寸翻教忝竊汗牛名

病起

風寒暑濕病相乘此亦何妨撒手行  
勞動滿城相問訊  
雖非姻舊亦關情

得雨

今年天總代農耕欲雨而雨晴而晴  
不知何福能消受

翻恐都驕作惰民

有語皆成藝非魂亦作魔聊書宵寐句  
扎闔去搗訶人

有書衣夢不祥書門大吉為宵寐非廣扎門洪麻者故戲用之

阿四

阿四煩年為我忙飢僅羹飯渴茶湯  
老來事事需人助



直把僮奴作奶娘

曉市家家要破錢  
獨尋爍店解腰纏  
買來炭墜盈三百  
似尚留儂要過年

頭緒

頭緒紛如不斷絲  
一程來了一程追  
直須炊到黃梁熟  
始是盧生夢醒時